



Klub poslanika
Naša stranka

Клуб посланика
Наша странка

Broj:

Sarajevo, 11.2.2026. godine

PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM

n/r g. Marinko Čavara, predsjedavajući Zastupničkog doma

Predmet: Zastupničko pitanje, dostavlja se



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12-02-2026			
Organizaciona jedinica	Klasifikaciona oznaka	Redni broj	Broj priloga
01-	10-1-	516/	26

Poštovani,

Na osnovu članka 170. Poslovnika Zastupničkog doma Parlamentarne skupštine Bosne i Hercegovine ("Službeni glasnik Bosne i Hercegovine" broj 79/14, 81/15, 97/15, 78/19, 26/20, 53/22, 59/23, 87/23, 50/24, 73/24, 56/25 i 7/26) postavljam zastupničko pitanje Upravi za indirektno oporezivanje Bosne i Hercegovine.

Parlamentarna skupština Bosne i Hercegovine, na 23. sjednici Zastupničkog doma, održanoj 3. prosinca 2024. godine, i na 11. hitnoj sjednici Doma naroda, održanoj 2. travnja 2025. godine, usvojila je Zakon o dopunama Zakona o porezu na dodanu vrijednost ("Službeni glasnik Bosne i Hercegovine", broj 20/25) (u daljem tekstu: Zakon).

Zakon je uveo pravo na povrat poreza na dodanu vrijednost (u daljem tekstu: PDV) punoljetnim državljanima Bosne i Hercegovine s prebivalištem u Bosni i Hercegovini pri kupnji prvog, novoizgrađenog stambenog objekta, uz dokazivanje ispunjenosti propisanih uvjeta. Pri tome, u slučaju da se naknadno utvrdi zloupotreba ili neispunjavanje uvjeta, Zakon je uveo obavezu retroaktivnog naplaćivanja PDV-a, a za kupca je normiran prekršaj kažnjiv novčanom kaznom od 5.000 do 10.000 KM.

Također, Zakonom je Upravi za indirektno oporezivanje Bosne i Hercegovine (u daljem tekstu: UIO BiH) povjerena ključna uloga u provedbi prava na povrat PDV-a za kupnju prvog stana, jer je Upravni odbor UIO-a BiH dužan donijeti podzakonske akte kojima se uređuju svi uvjeti, postupak i ograničenja takvog povrata. Bez tih akata zakon se ne može primjenjivati, iako je formalno stupio na snagu.

Samim time, UIO BiH je faktički jedini organ u ovom trenutku koji omogućava ili blokira ostvarivanje prava građana na povrat PDV-a u predmetnom slučaju. Uzgred, UIO BiH je

nadležna za naknadne kontrole i obračun PDV-a u slučaju zloupotreba, što dodatno potvrđuje da je neprovođenje zakona direktna posljedica neispunjavanja obaveza UIO-a BiH.

S tim u vezi, u dostavljam Vam sljedeća zastupnička pitanja:

1. Na osnovu koje zakonske odredbe i iz kojih razloga Upravni odbor UIO BiH do dana postavljanja ovog zastupničkog pitanja nije donio podzakonske akte iz članka 3. Zakona, iako je njihovo donošenje izričito propisano kao uslov za primjenu prava na povrat PDV-a za kupnju prvog stambenog objekta?
2. Da li UIO BiH smatra da je propuštanjem donošenja podzakonskih akata u razumnom roku povrijeđena obaveza zakonite i efikasne provedbe zakona, s obzirom na to da se zbog tog propusta građanima faktički onemogućava ostvarivanje zakonom garantiranog prava?
3. Ko je konkretno odgovoran unutar Upravnog odbora UIO BiH za izradu i upućivanje na usvajanje propisa iz članka 3. Zakona, te da li su u tom smislu poduzete bilo kakve formalne ili materijalne radnje?
4. Smatra li UIO BiH da eventualna šteta nastala zbog neprimjene Zakona može predstavljati osnov za odgovornost organa vlasti, imajući u vidu načela pravne sigurnosti, legitimnih očekivanja i zabrane faktičkog derogiranja zakona nepostupanjem?

S poštovanjem,


MIA KARAMEHIĆ ABAZOVIĆ

ZASTUPNICA